

## EUSKAL PRESOK. Gabonetarako hogeikitaldi antolatu dituzte



GAIZKA IROZ

Koordinaketa eta Etxerat elkarteetako ordezkariak, atzoko agerraldian.

# Koordinaketak 18.000 gutun bidaliko ditu presoenei sostengurako diru eske

Euskal presoenei alde neguan egingo den kanpaina aurkeztu dute

Erredakzioa | BAIONA

Koordinaketak eta Etxerat elkarteek euskal presoenei aldeko neguko kanpaina aurkeztu zuten atzo. Horren barruan, hainbat ekimen iragarri zituzten Mikel Berasaluze Koordinaketako kideak eta Maialen Arranbide Etxerat-ekoak.

Batetik, datozen egunetan 18.000 gutun bidaliko dizkiete Ipar Euskal Herriko enpresaburu eta partikularrei, presoentzako diru laguntza eman dezaten. Iaz 600 pertsonen sostengua jaso zuten, eta 100 mila libera (2,5 milioi pezeta) bildu zituzten.

Horrez gain, etxeko etxe agen-

da bat banatuko dute. Bertan, espetxeetako helbideak agertzen dira presoek idatzi ahal izateko, eta bisitarako baimenak lortzeko zer egin behar den zehazten da. Horrez gain, negurako bi elkarteek antolatu dituzten ekitaldiak ageri dira.

Gabonei begira asteburu oro hainbat herritan animaziozko hogeikitaldi izango dira. Aipagarrienak, hauek: abenduaren 24an Azkainen izango den elkarretaratzea; 29an Hendaia, Irun eta Hondarribiaren artean egingo den ibilaldia; eta 31n Saran izango den elkarretaratzea. Ezpeletan, berri, abenduaren 22an kontzertua egingo da Su-

tagar, PiLT eta Piarres taldeekin. Arratsaldean haurren jolasak izango dira. Gainera, ostatuetan saskiak zozkatuko dira.

## Lopez eta Olza presoenei egoera salatu du Etxerat-ek

Etxerat-ek atzo ohar batean salatu zuenez, Alcalako espetxean dagoen Izaro Lopez euskal presoak hiru aldiz miatu zuten abenduaren 3an, Entzutegi Nazionalera diligentziak egitera joan zenean. Miaketak kartzelan eta Entzutegian izan ziren. Lopezek jasandako «irain lotsagarria» salatu zuen Etxeratek.

Eneko Olzak, berri, hilaren 1ean ezin izan zuen baimendua zuen bisean bisekoa izan, Navalcarnerotik Valentzia Iira eramane zutelako. Egun horretarako zuen bisita hurrengo egunera pasatu zioten.

baldintzapean aske egon beharko luketen 105 preso, senideak, torturatuak, entregatzeko arriskuan daudenak, sakanaketa pairatzen duten preso eta senideak», jakinarazi zuten Etxerat-ek.

Giza eskubideen urratzea «etengabea» dela eta hori gatazka politiko baten ondorioa dela deritzo. Horren konponbidea erakundeek eta alderdiek gidatu behar dutela esan zuen. «Hori da, hain zuzen, Eusko Jaurlaritzak eta hirukok egiten ez duena», gaineratu zuen.

deen alde «urrats eraginkorrak» egin ditzaten eskatu zien Etxerat-ek, eta, horien artean, «euskal presoak Euskal Herriara ekar ditzatela».

Euskal Herrian giza eskubideen aurkako erasoak «egunero ogia» direla adierazi zuen euskal presoenei senideen elkarteak. «Sufrimendu klase asko daude: hilak, bahituak,

## LABURREAN



BOB EDME

Jendarmeei elkarretaratzea egin zuten atzo Senperen.

## Jendarme ugari bildu da Senperen segurtasun eske

Segurtasun eske salatzeko, hainbat jendarme bildu ziren atzo Senperen. Bildutakoek, besteak beste, azken asteotan Pauen izandako bi tiroketetan zauritutako bi jendarmeak izan zituzten aipagai. Alain Richar Defentsa ministroak Carrau jendarmea larrialditik atera dela eta Larraoude laguntza intentsibotik dagoela orotarazi zuen. «Atentatu horiek argi erakusten dute segurtasun indarrek kolpe erabakigarriak ematen dizkietela terroristei», azaldu zuen. «Jendarmeriaren lana mantendu egingen da, eta behar bada, espainiarrekin elkarlanean».

## «Inposaketa» salatzeko, Utzi Bakean Sakanaren manifestazioa gaur

Espainiako «inposaketa» salatzeko, manifestaziora deitu du Utzi Bakean Sakanaren plataformak gaurko Altsasun, 20:00etan. Konstituzioaren eguna izanik, Euskal Herriaren «askatasunaren eta bakearen erakuntza aurrera egitea» aldarrikatuko duela esan du plataformak. Segik bat egin du deialdiarekin, prentsa ohar baten bidez.

## Hainbat ertzainek Bilboko Herriko Tabernako arduraduna identifikarazi dute

Batasunak jakinarazi duenez, hainbat ertzain Bilboko Zazpikaleetako Errondabide Herriko Tabernan sartu ziren atzo goizean, eta identifikatzera behartu zuten hango arduraduna. Lekuko arabera, irainak egin zituzten ertzainek bertan zeuden lagunei, eta hainbat kartel ere apurtu zituzten.

## Asier Alzelai gazte oñatiarra lau urteko espetxe zigorra betetzeko kartzelatu dute

Asier Alzelai gazte oñatiarra Martuteneko espetxean bere kabuz aurkeztu zen atzo, lau urte eta hilabete bateko espetxe zigorra betetzeko. Alzelai 1992an atxilotu zuen Guardia Zibilak beste hainbat gazterekin batera, kale borrokako ekintza batean parte hartu izana egotzita. Bost egunen buruan aske utzi zuten, bermea ordainduta, Auzitegi Nazionalean deklaratu ondoren. Guztiak 1996an epaitu zituzten, eta aipatutako zigorra ezarri zioten Alzelairi. AABen ustez, «ez du zentzurik bederatzi urte geroago espetxeratzea». Oñatin manifestazioa egin zen atzo.

## Fiskaltzari Arzalluzen adierazpenak bidali behar zaizkiola uste du Villarrek

Xabier Arzalluz EAJko presidentearen adierazpenak Fiskaltzari bidali behar zaizkiola uste du Enrique Villar EAeko gobernu ordezkariak. Ertzaintzan «infiltratu asko» dagoela esan zuen Arzalluzek. Ertzaintza handituko balitz, «euskal herritar guztiek ordaindu beharko lukete, eta ez espainiar guztiek», esan zuen.

## Frantziari Olanoren estradizioa eskatzea galdegin dio fiskalak Garzoni

Enrique Molina Auzitegi Nazionaleko fiskalak Baltasar Garzon epaileari atzo esan zion Juan Mari Olano AABetako bozeramailearen estradizioa eska diezaiola Frantziari. Epaileak auziaren txostena Justizia Ministeriora bidaliko du. Gero, hark Ministroen Kontseilura eramango du, estradizioa onar dezan.

## Mayor Zaragozak gidatuko duen behatokia kritikatu du Etxerat elkarteak

Erredakzioa | DONOSTIA

Federico Mayor Zaragozak gidatuko duen Giza Eskubideen Behatokiaren sorrera kritikatu zuen atzo Etxerat elkarteak. Ohar batean adierazi zuenez, behatokiaren sorrera «ez da urrats eraginkorra eskubideen bortxaketa bukatzeko». Hala, euskal erakundeei giza eskubi-